

BILTEN

BROJ 13 • FEBRUAR 2024



SRCE ZA DJECU

SADRŽAJ

6. Medicinsko-zdravstveni fond
7. Moja kosa tvoja kosa
8. Psihosocijalna podrška
9. Socijalni fond
10. Roditeljske kuće
12. Rehabilitacija
13. MladiCe
14. Edukacija
15. Srce Shop
16. Kampanje
17. Naš fokus u 2024. godini

SRCE ZA DJECU OBOLJELU OD RAKA / THE HEART FOR KIDS WITH CANCER

Betanija bb, 71000 Sarajevo, Bosna i Hercegovina
Kontakt: Tel/fax: 00 387 33 215 416
GSM: 00 387 62 347 395
E-mail: info@srcezdjecu.ba
Web: www.srcezdjecu.ba
RAIFFEISEN BANK BOSNIA AND HERZEGOVINA 161 00000 388 900 27
IBAN: BA 391610000038890027
S.W.I.F.T.: RZBABA2S

IMPRESSUM

Bilten Udruženja "Srce za djecu oboljelu od raka"

Izlazi godišnje
Izdavač: Udruženje "Srce za djecu oboljelu od raka"
Za izdavača: Fikret Kubat, direktor Udruženja
Urednik: Atifa Buldić-Bešić
Lektura: Aida Hasović
Naslovi: Saša Rukavina
DTP: TRIPTIH, Sarajevo
Štampa: TRIPTIH, Sarajevo
Tiraž: 100 komada
ISSN 2303 – 4270

Naslovna fotografija: Ilda Porča i Hena Mašić by Aida Redžepagić



Ništa ne grije
srce i dušu
kao dječiji
osmijeh

„20 godina istrajnosti i podrške iznjedrili su bolji položaj za djecu oboljelu od raka u bh. društvu.”

Fikret Kubat



Dragi naši,

donosimo vam 13. izdanje godišnjeg biltena Udruženja „Srce za djecu oboljelu od raka”. Ove godine Udruženje je proslavilo 20 godina svoga postojanja, ali i istrajnosti i podrške.

Kroz sve programske aktivnosti i projekte pokazali smo da su rezultati višedecenijskog rada direktno utjecali na bolji položaj djece oboljele od raka u bh. društvu.

Sav trud i rad kroz ove dvije decenije krunisan je ove godine proglašenjem Udruženja od strane Kantona Sarajevo udruženjem od javnog značaja za KS.

Na narednim stranicama potrudili smo se što slikovitije prikazati šta smo to sve uradili u 2023. godini te predstaviti rezultate našeg truda i rada.

U ovoj godini smo se trudili unaprijediti programske aktivnosti, ali i kreirati nove projekte koji će ispuniti potrebe onih zbog kojih postojimo - djece oboljele od raka i njihovih porodica.

Sve zacrtane ciljeve uspjeli smo ostvariti zahvaljujući zajedništvu i podršci općina, gradova, kantona, državnih institucija, kompanija, drugih nevladinih organizacija i dobrih ljudi na čemu smo posebno i jako zahvalni.

Srdačno,
Vaš Fikret Kubat

Fikret Kubat



Osnovani u
2003.

SRCE ZA DJECU


21
GODINA
POSTOJANJA




60 
SURVAJVERA
ORGANIZIRANIH POD NAZIVOM
MladiCe

DO SADA
1700
PORODICA
DOBILO PODRŠKU UDRUŽENJA

463 u 2023.
ODRŽANA SAVJETOVANJA
S RODITELJIMA I DJECOM


13 
IZRAĐENE I URUČENE PERIKE U 2023.

3 
REPARACIJE
starih perika


16.062
DONATORA KOSE OD KOJIH SU
80% djece

PREKO
500 
ČLANOVA
UDRUŽENJA


367
AKTIVNIH VOLONTERA

Mobilni tim posjetio

10 porodica
Preko **600** paketa pomoći



Bliska profesionalna saradnja sa
hematoonkološkim odjeljenjima
u Sarajevu i Tuzli

Svaka pomoć dobro je došla



Medicinsko-zdravstveni fond formiran je na osnovu potreba djece oboljele od malignih bolesti. U okviru njega vršimo:

- Nabavku lijekova koji nisu na esencijalnoj listi, a preporučeni su od strane ljekara za liječenje
- Nabavku i ustupanje na korištenje medicinskih pomagala (invalidska kolica, štake, proteze, mobilna boca za kisik, maske, medicinske perike)
- Nabavku medicinske opreme za potrebe pedijatrijskih hematoonkoloških pacijenata

Prava iz ovog Fonda ostvaruju se na osnovu Pravil-

nika o nabavci lijekova, pomagala i medicinske opreme za djecu tokom i nakon liječenja na hematoonkološkim odjeljenjima, koji Udruženje donosi i usvaja svake godine.

Mnogo je projekata realizovano u 2023. godini zahvaljujući upravo ovom Fondu i donatorima koji su ga finansijski podržali. Iskrene zahvale idu narodu Države Kuvajt i organizacijama Al Najat Charity i Tawasul – Kuwaiti Society for Cultural Dialogue iz Kuvajta, BH Help iz Londona, kompanijama, institucijama i građanima Bosne i Hercegovine.

TRENTNE POTREBE FONDA



Lokator vena



Dezinfekciona sredstva



Imunopreparati/dodaci prehrani za djecu

Nabavka lijekova i suplemenata za djecu	76
Nabavka dječijih centralnih venskih katetera	15
Finansiranje operativnih zahvata za djecu	3
Fizikalne vježbe za djecu	5
Medicinska dijagnostika za djecu	11
Nabavka invalidskih kolica	1
Troškovi edukacije i rehabilitacije za djecu	2
Aparat za akutnu hemodijalizu za djecu	1
Mobilni ultrazvučni aparat	1
Infuzione pumpe	5
Perfuzori	5
Bilirubinometar	1
EKG aparat	2
Spirometar	1
Vaga sa visinomjerom	2
Dječiji pulsoksimetar i tlakomjer	1

Zajedno smo manje ranjivi


Jedan od najhumanijih projekata u Bosni i Hercegovini, ali i u regionu te šire je projekat „Moja kosa tvoja kosa“. U sklopu ovog projekta izrađujemo perike i dajemo ih na korištenje (potpuno besplatno) djeci koja su privremeno ili trajno pretrpjela gubitak kose. U šest godina trajanja napravio je veliku razliku u životima mnoge djece.

Za cilj ima poboljšanje emocionalnog i psihičkog zdravlja hematoonkoloških pacijenata, ali i djece koja se bore sa drugim oboljenjima, koja kao posljedicu imaju gubitak kose. Jedan od ciljeva je i pomoći djeci kao ranjivoj skupini pri reintegraciji u porodicu, školu, vršnjačke grupe i širu zajednicu. Svim navedenim i ostalim što promovise ovaj projekat uspijevamo stvoriti dodatne vrijednosti Udruženju i široj društvenoj zajednici.

Sebi smo 2023. godine postavili izazove i sa zadovoljstvom možemo reći da smo ih uspješno savladali,

što se vidi i po podacima koje donosimo. Prošle godine smo uspješno vodili vlasuljarsku radionicu i osigurali sredstva za njeno nesmetano funkcionisanje. Radili smo na kontinuiranom usavršavanju naših vlasuljara, nabavci repromaterijala, opreme i alata za izradu perika, publikaciji Priručnika za održavanje perika za naše korisnike, te redovno izveštavali javnost o sprovedenim aktivnostima. Ponovo smo organizovali javnu akciju šišanja i darivanja kose u SCC-u i prikupili mnoštvo pozitivne energije, ljubavi i podrške.

Sve ovo ne bi bilo moguće bez naših dragih donatora, koji su svojom podrškom omogućili funkcionisanje ovog projekta. Hvala od srca ambasadorici projekta, Amri Džeko, Diplomatskom zimskom bazaru, Općini Centar, Sarajevo City Centru, kompanijama, institucijama i građanima Bosne i Hercegovine na nesebičnoj podršci i doprinosu.



- Izrađeno **13** perika
- Izvršene **3** reparacije perika
- Očišćeno **780** repova kose
- Prikupljeno **3.718** donacija kose
- Perike su otišle u **Cazin, Visoko, Sarajevo, Žepče, Tuzlu, Živinice, Goražde, Banju Luku, Zenicu, Vranduk, Zvornik**
- Održano **6** akcija darivanja kose

Javna akcija šišanja kose u SCC-u

- **290** donacija kose
- **247** šišanja na licu mjesta
- **26** frizera
- **25** volontera

Ambasadorica projekta Amra Džeko:

Svake godine sam sve sretnija i sretnija kada vidim da projekat Moja kosa tvoja kosa i dalje okuplja toliko dobrih i humanih ljudi. Drago mi je što podrška ljudi ne jenjava, te što vide njegovu vrijednost i svakog dana mu se pridružuju sa najboljom namjerom. Uvijek je veliko zadovoljstvo družiti se sa našim Bosancima i Hercegovcima i zajedno sa njima biti dio ovako lijepih priča.



MOJA TVOJA KOSA

Pronaći unutarnju snagu

„Pored nesebične njege i požrtvovanosti medicinskog osoblja, u tom trenutku na zadatak dolazi psihološka podrška. Podrška koja je mom djetetu i meni bila jako važna tokom bolničkog liječenja. Kroz kreativne radionice, igre i razgovore sa našim psihologom iz Udruženja ‚Srce za djecu‘ mom djetetu su bolnički dani bili ispunjeniji i razigraniji. Svaki odlazak u bolnicu bio je pretvoren u igru i radovao se svakom ponovnom susretu sa ‚tetom psihologom‘. Liječenje maligne bolesti kod djeteta sa sobom nosi i niz mogućih komplikacija, a samim tim i nove brige za nas roditelje. Sukob raznih osjećanja, strahova i nesigurnosti, pitanja na koja sami sebi ne možete odgovoriti. U danima kada sam osjećala da me možda niko ne razumije, kroz razgovore sa psihologom pronalazila sam mir i odgovore na mnoga pitanja koja sam sebi često postavljala. Takvi razgovori i pozitivni primjeri su me motivisali i davali mi snagu za svaki novi dan.“

- Ivana Galušić, Aleksandrova majka

Već 20 godina Udruženje vodi program psihosocijalne podrške. U okviru njega nudimo besplatne psihosocijalne, okupacione, muzičke i kreativne terapije na hematoonkološkim odjelima i u Roditeljskoj kući s ciljem olakšavanja bolničkog liječenja i osnaživanja malih pacijenata, te njihovog poticanja da se ponovo povežu sa intuitivnim, unutarnjim snagama u procesu ozdravljenja.

Općeprihvaćena je spoznaja o tome da psihološka i psihosocijalna podrška pacijentima oboljelim od malignih bolesti i njihovim porodicama olakšava suočavanje i prilagođavanje na bolest. Veliki broj porodica treba barem inicijalnu psihološku podršku, a među njima je mnogo onih koji trebaju kontinuiranu podršku i praćenje radi izraženijih psihičkih teškoća. Osjećaji i misli koji se pojavljuju kod oboljelih ili kod roditelja oboljele djece tokom dijagnostike, liječenja i rehabilitacije predstavljaju kompleksno problemsko područje za oboljele, za društvenu okolinu, kao i za stručnjake iz raznih disciplina, npr. medicinskih. Način na koji odrasla osoba ili dijete doživljava prijetnju za vlastitu egzistenciju važan je i u njenom suočavanju sa bolešću. U prošlosti je naglasak stavljen na medicinski aspekt podrške dok se nije mnogo vodilo brige o psihosocijalnim potrebama oboljelih. Međutim, danas je veoma razvijena svijest o tome da je za uspješnije liječenje važno da osoba ima kvalitetnu psihološku podršku.



Dio sistemske psihosocijalne podrške jesu, pored razgovora, i kreativne radionice, estetski izražaj, tjelesna relaksacija i sl. Imajući to u vidu, osmislili smo programske aktivnosti kao što su joga, radionice dekupaž, likovne radionice..., a sve sa ciljem vođenja kvalitetne brige o mentalnom zdravlju. Brojna istraživanja pokazuju kako kreativna terapija, kao jedan od komplementarnih pristupa, ima pozitivan utjecaj na kreiranje mehanizama suočavanja osoba s malignim oboljenjem te na smanjenje stresa,

depresije i anksioznosti koji se javljaju u dugotrajnom procesu liječenja.

Naš tim stručnog osoblja, psihologa i psihoterapeuta, konstantnim i kontinuiranim radom svake godine ovaj program unapređuje i pronalazi rješenja za probleme i potrebe koje prepoznamo kod djece i njihovih porodica.

Prošle godine neki od ciljeva su bili da imamo bolje ishode liječenja djece oboljele od malignih oboljenja; da poboljšamo emocionalno i mentalno zdravlje djece oboljele od raka i njihovih roditelja; da pružimo psihoterapijsku pomoć djeci sa višestrukim traumama; da pružimo psihoterapijsku pomoć i podršku roditeljima djece koja se trenutno liječe od raka; da pružimo podršku tugujućim porodicama; da pružimo podršku mladim ljudima koji su u djetinjstvu liječeni od raka; da pružimo podršku medicinskom osoblju koje liječi našu djecu.

Ove ciljeve prate i rezultati na koje smo posebno ponosni.

PSIHOLOŠKA PODRŠKA

Individualna psihoterapija	33
Savjetovanje za roditelje	463
Razgovor i savjetovanje sa porodicama čija djeca se nalaze na palijativnoj njezi	32
Radionice s djecom	61
Kreativne radionice sa majkama	6
Joga treninzi za majke i djecu u RK	12
Posjete mobilnog tima	10
Individualne sesije sa MladiCama	22
Individualne sesije sa medicinskim osobljem na odjeljenjima u Tuzli i Sarajevu	118

PODRŠKA TUGUJUĆIM PORODICAMA

Grupne radionice	2
Individualne sesije	32
Posjete mobilnog tima	4

EDUKACIJE I RADIONICE

Radionice osnaživanja za MladiCe	2
Edukativne radionice u školama Kantona Sarajevo	4
2 radionice za jačanje profesionalnih kompetencija za psihoterapeute	2
Učesće na Kongresu psihoterapeuta u Sarajevu	
Radionica sa uposlenicima za povećanje produktivnosti zaposlenih	

Ništa ne ide bez dobrih prijatelja



Socijalni fond koristimo za podršku socijalno ugroženoj djeci i porodicama, te onima koji moraju biti izmješteni na liječenje van Bosne i Hercegovine preko Fonda osiguranja i reosiguranja FBiH.

U okviru njega pružamo:

- Interventnu pomoć za liječenje
- Socijalne prehrambene pakete
- Socijalne higijenske pakete
- Pomoć pri nabavci ogrjeva
- Ramazanske i bajramske pakete
- Praznične pakete
- Prevod, kopiranje i slanje dokumentacije
- Komunikaciju sa Federalnim fondom solidarnosti, ambasadama i univerzitetskim bolnicama van BiH
- Redovnu komunikaciju i saradnju sa udruženjima A.G.E.O.P. iz Bolonje, Croche Verde iz Bolonje, U.G.I. iz Torina i C.A.P. iz Torina
- Transport unutar i van Bosne i Hercegovine

Prava iz ovog Fonda ostvaruju se na osnovu Pravilnika o dodjeli socijalne pomoći, koji Udruženje donosi i usvaja svake godine.

Prošla 2023. godina bila je plodonosna za Fond, pa smo uspjeli pomoći i pružiti podršku velikom broju djece i porodica. Pomoć je obezbijedena zahvaljujući dobrim donatorima. Posebnu zahvalnost upućujemo narodu Države Kuvajt, organizaciji Al Najat iz Kuvajta, Federalnom ministarstvu rada i socijalne politike, Ministarstvu za rad, socijalnu politiku, raseljena lica i izbjeglice Kantona Sarajevo, kompanijama i građanima Bosne i Hercegovine.

Socijalna pomoć

Socijalne usluge za djecu	40
Jednokratna novčana pomoć za porodice	16
Ogrjev za porodice	20
Higijensko-prehrambeni paketi za porodice	268
Poljoprivredni paketi	69
Školski pribor (setovi i ruksaci)	315
Troškovi angažmana prevoza pogrebnog društva	2

Izmještanje djece na liječenje van BiH

Pomoć pri izmještanju u Italiju	13
Pomoć pri izmještanju u Tursku	6
Prevod medicinske dokumentacije	25
Prevoz i pomoć pri izmještanju van BiH	8



Siguran drugi dom

Proces liječenja djece je izuzetno težak i kompliciran te iziskuje ogromnu fizičku i psihičku snagu i značajna materijalna sredstva. Održavanje porodične atmosfere dokazano poboljšava opću zdravstvenu sliku djeteta i mogućnost njegovog izliječenja.

Iz ovih potreba je i nastala naša Roditeljska kuća koja oboljeloj djeci i njihovim porodicama pruža drugi dom, porodičnu atmosferu i mjesto na kojem bar na trenutak mogu zaboraviti na bolničko liječenje.

Roditeljska kuća otvorena je u aprilu 2016. godine i nalazi se u krugu Pedijatrijske klinike Jezero u Sarajevu. Posjeduje 700 kvadratnih metara korisnog prostora, od toga 10 porodičnih apartmana sa kupatilom, zajedničku kuhinju i dnevni boravak, multifunkcionalnu salu sa igraonicom, vešeraj, krovnu terasu i uređene zelene površine sa prostorom za relaksaciju i igru. Roditeljska kuća ima energetski certifikat A i koristi solarnu energiju za pripremu potrošne tople vode.

Tokom 2023. godine uspjeli smo obezbijediti našoj

djeci i porodicama kontinuiran besplatan smještaj, osnovne životne namirnice, sredstva za higijenu, dezinfekciju i zaštitu te osigurati materijalne i tehničke uslove za rad kuće i održavanje vanjskog prostora.

Sve je obezbijeđeno zahvaljujući dobrim i odgovornim ljudima, koji misle na marginalizirane grupe u našem društvu.

Posebne zahvale idu kompanijama Raiffeisen Bank, BH Telecom, Telemach, ZIRA, Grawe osiguranje, Hold Ina, Hifa, Violeta, Mikrokreditnoj fondaciji Partner, Islamskoj zajednici u BiH i organizaciji Al Najat iz Kuvajta, prijateljima iz Evrope te ostalim kompanijama i građanima Bosne i Hercegovine. Najiskrenije zahvaljujemo i institucijama koje Roditeljsku kuću podržavaju grantovima – Predsjedništvo Bosne i Hercegovine, Federalno ministarstvo rada i socijalne politike, vladama KS, USK, ZDK, gradovima Sarajevo, Bihać, Cazin, Visoko, općinama Centar Sarajevo, Novo Sarajevo, Stari Grad, Kakanj, Tešanj, Kladanj i Trnovo.


Proljeće u Tuzli



Otvorena 24 sata,
7 dana u sedmici



Stalne usluge
psihologa i socijalnog radnika



400 m²
korisnog prostora



Bliska i profesionalna saradnja
sa hematološkim odjelom



5 apartmana
sa zasebnim kupatilima



Zajedničke prostorije
za odmor i igru

2023

KORISNICI RODITELJSKE KUĆE

- PORODICE PO KANTONIMA ZDK, HNK, USK, TK, SBK, KS, BPK, Kanton 10, Brčko distrikt BiH, Republika Srpska
- PORODICE PO GRADOVIMA Zenica, Velika Kladuša, Mostar, Sarajevo, Sanski Most, Cazin, Zavidovići, Kakanj, Srebrenik, Bihać, Visoko, Goražde, Zavidovići, Donji Vakuf, Konjic, Travnik, Jajce, Livno, Busovača, Gradačac, Gračanica, Bugojno, Goražde, Brčko, Zvornik

PRIMJER:
NOVEMBAR 2023.

2338 UKUPNO ZAUZETIH DANA	UKUPNO PORODICA 19
51 UKUPNO KORISNIKA/PORODICA	UKUPNO KORISNIKA 49
167 UKUPNO ČLANOVA PORODICA	UKUPNO DANA 255
279 NAJDUŽI BORAČAK U DANIMA	NAJDUŽI BORAČAK U DANIMA 30
90 PROSJEČNI BORAČAK U DANIMA	PROSJEČNI BORAČAK 10
64% PROSJEČNA POPUNJENOST APARTMANA	PROSJEČNA POPUNJENOST U NOVEMBRU 85%

Udruženje „Srce za djecu oboljelu od raka” počelo je u Tuzli s izgradnjom druge Roditeljske kuće na području FBiH, u kojoj pruža smještaj, psihosocijalnu podršku, ali i pomoć tokom teškog procesa liječenja djece oboljele od raka.

Roditeljska kuća u Tuzli imat će 400 kvadratnih metara životnog prostora, pet apartmana u kojima će istovremeno moći boraviti pet porodica, dnevni boravak, igraonu, kuhinju, vešeraj i druge zajedničke prostorije.

Iza nas su izazovna vremena koja su uveliko imala utjecaja na projekat izgradnje Roditeljske kuće Tuzla, kao što su pandemija COVID-19 i ekonomska kriza izazvana globalnim dešavanjima. No, nismo dopustili da nas ove okolnosti pokolebaju i zaustave, pa smo, nešto usporenijim tempom, nastavili

realizaciju ovog projekta.

Tokom 2023. godine uspjeli smo završiti cijelu drugu fazu izgradnje i ući u njenu treću fazu, koja podrazumijeva unutarnje radove, uređenje interijera i eksterijera, fasadu.

Nastavljamo dalje sa radovima i očekujemo njeno otvorenje u proljeće 2024.

Hvala na podršci glavnom donatoru, Generalnom sekretarijatu vakufa Države Kuvajt, te Vladi FBiH i Federalnom ministarstvu za rad i socijalnu politiku, koji su dodatnim sredstvima pomogli da dovršimo projekat izgradnje. Zahvaljujemo se Vladi Tuzlanskog kantona, UKC Tuzla, Vakufskoj direkciji Islamske zajednice BiH i Normal arhitekturi na kontinuiranoj podršci u svim fazama projekta.

Bjelašnica prepuna pozitivne energije



Liječenje od raka je veoma dug, težak i traumatičan proces, koji zahtijeva kontinuiranu i dugotrajnu izolaciju djeteta od društva i uvijek rezultira narušavanjem normalnog djetinjstva. Djeci nedostaje njihov dom, matična sredina i sve one aktivnosti koje ostala djeca nesmetano obavljaju. Po završetku bolničkog dijela liječenja, djeca se vraćaju u svoju matičnu sredinu i, vrlo često, imaju problema sa resocijalizacijom i stigmom društva.

Udruženje svake godine nudi posebno osmišljen program rehabilitacionog kampa za djecu oboljelu i liječenu od raka i njihove roditelje. Čitav program je besplatan, uključujući smještaj, hranu, aktivnosti i medicinsku skrb. Rehabilitacioni kamp finansira se donacijama, grantovima i aktivnostima Udruženja.



CILJEVI KAMPA

- Jačanje imuniteta, otpornosti i fizičke izdržljivosti djece
- Psihosocijalno jačanje
- Jačanje samopouzdanja, samopoštovanja i uključivanje u grupu vršnjaka
- Povećanje nezavisnosti, samouvjerenosti, otvorenosti prema novim stvarima i iskustvima
- Socijalno jačanje - pozitivan utjecaj grupe, resocijalizacija i povratak u matičnu sredinu
- Smanjenje stresa, anksioznosti, poticanje kreativnog izričaja i pozitivnog stava
- Jačanje porodičnih veza
- Podizanje svijesti o dječijem raku i posljedicama liječenja

Vođeni sjajnim prošlogodišnjim iskustvom, ove godine smo organizovali rehabilitacioni kamp ponovo na Bjelašnici, na kojem smo prikupili mnoštvo pozitivne energije. Kamp je održan zahvaljujući sredstvima Federalnog ministarstva zdravstva i ASA Banke.

Una Ćurić:

„Na kampu mi je bilo odlično zato što ima puno drugara, idemo po planinama, istražujemo nove doline koje do sada nisam vidjela na Bjelašnici. Na kampu sam naučila voziti bicikl. Prvi put u životu sam sjela na bicikl i nakon četvrtog puta sam stala na pedale i počela voziti kao da ga vozim sto godina.“



„Rehabilitacioni kamp Bjelašnica 2023“

Učesnici	188
Djeca	95
MladiCe	25
Roditelji	81
Stručni tim	12
Vanjski saradnici	11
Trajanje u danima	5
Broj aktivnosti	20
Radionice	130



MladiCa je sve više



MladiCe predstavljaju mrežu mladih izliječenih od raka. Aktivna su grupa u sklopu Udruženja „Srce za djecu oboljelu od raka“. MladiCe su osnovane 2011. godine po uzoru na evropske grupe mladih liječenih od raka. MladiCe trenutno broje 60 članova, a ovaj broj je u stalnom porastu.

Neke od glavnih aktivnosti su:

- podrška oboljelim mališanima i njihovim roditeljima;
- volontiranje u Udruženju i Roditeljskoj kući;
- volontiranje u rehabilitacionim kampovima;
- realizacija aktivnosti s ciljem širenja svijesti o dječijem raku.

Pored ovih aktivnosti, svaka MladiCa ima svoje interese i hobije koje na neki način poveže sa Udruženjem, pa tako imamo MladiCe koje organizuju kreativne radionice sa dječicom koja se liječe, koje pomažu pri izmještanju djece na liječenje u inostranstvo, a tu su i oni posebno nadareni za fotografiju ili pisanje, pa im nije strano ni pisanje članaka ni objava na stranici Udruženja.

Njihov zadatak je da, zajedno sa timom Udruženja, rade na vlastitom osnaživanju, edukaciji, rehabilitaciji i resocijalizaciji, te na osvještavanju javnosti o raku kod djece i problemima s kojima se susreću tokom i nakon liječenja.

Međutim, možda je najvrednije od svega to što vlastitim iskustvom svima stavljaju na znanje da je rak pobjediv.

Kroz poseban Fond za stipendiranje, MladiCe

ostvaruju pravo na stipendiranje tokom svog fakultetskog obrazovanja.

Svaki od njih je jedna priča o ljudskoj hrabrosti koja nema granice.

MladiCe su i 2023. godine bile vrijedne i radile su punom parom. Vrijedno cijele godine su volontirale u Roditeljskoj kući, u rehabilitacionom kampu „Bjelašnica 2023“, na projektu „Moja kosa tvoja kosa“, na humanitarnoj trci „Zlatni krug“, u Srce Shopu, na kreiranju biltena Udruženja, donatorskoj večeri „Pruži ruku za bolju budućnost“ i na akcijama darivanja krvi. Također, zajedno sa Udruženjem, MladiCe su pokrenule projekat „Praćenje kasnih posljedica“, koji je od velikog značaja za mlade izliječene od raka. Njegov cilj je uspostavljanje sistema za adekvatno praćenje kasnih posljedica nakon liječenja i na njemu ćemo zajednički raditi u ovoj godini.

Pored volonterskog angažmana, hrabro i reprezentativno bili su domaćini ovogodišnje Regionalne konvencije mladih izliječenih od raka u Sarajevu, na kojoj su ugostili 50 mladih ljudi iz regije. Kroz niz edukativno-zabavnih aktivnosti razgovarali su o problemima s kojima se susreću te iznalaženju pravih rješenja.

I ove godine MladiCe su uzele aktivno učešće u projektima CCI Europe (organizacija Childhood Cancer International Europe), gdje važe za najorganizovaniju i najuspješniju grupu mladih liječenih od raka.

Zahvaljujemo se na podršci našim donatorima: Ministarstvo zdravstva Kantona Sarajevo, Hotelu Courtyard by Marriott i firmi Lake Hospitality.

Vikend osnaživanja **2**

Individualna psihoterapija **22**

Sastanak MladiCa **6**

Sastanak predstavnika MladiCa **4**

Regionalna konvencija mladih izliječenih od raka

Učesnici **50** | Radionice **12** | Trajanje u danima **5**

Zemlje učesnice:

Hrvatska, Slovenija, Srbija, Crna Gora, Makedonija, Bosna i Hercegovina

Ne odustajati od svojih snova



Programska aktivnost edukacije zalaže se za poboljšanje socijalnog statusa učenika i studenata oboljelih i liječenih od raka. Udruženje je počelo sa programom stipendiranja MladiCa u školskoj 2017/2018. godini, a Fond za stipendiranje svake godine je rastao.

Pozitivna činjenica je da je svake godine sve više MladiCa koje upisuju visoke škole, pa smo od 2021. godine u Fond uvrstili i mlade izliječene od raka koji pohađaju treći i četvrti razred srednje škole. Zahvaljujući našim donatorima, narodu Države Kuvajt i organizaciji Al Najat, te njihovom interesu za ovaj projekat i ovu vrstu pomoći, dobili smo mogućnost uključivanja više studenata i učenika srednjih škola.

Kroz program stipendiranja pružamo podršku dje-

ci i mladima tokom školovanja kako bismo ih podstakli da ne odustaju od svojih snova, ali i kako bi bili konkurentniji na tržištu rada kada završe svoje školovanje. Vrlo često podržimo i njihovo neformalno obrazovanje koje im pomaže pri unapređenju vještina i daje im više mogućnosti za lično i stručno usavršavanje.

Također, Udruženje pruža podršku Školi u bolnici, koja je, na nivou Ministarstva za odgoj i obrazovanje Kantona Sarajevo, organizovana kao posrednik u komunikaciji između roditelja i nastavnika.

Udruženje početkom svake školske godine učenicima obezbjeđuje pakete školskog pribora i, po potrebi, ruksake za oboljelu i liječenu djecu, ali i za njihovu braću i sestre.



Fond za stipendiranje

Dodatno obrazovanje (viša škola)

Kursevi

Paketi školskog pribora

	2021/2022	2022/2023	2023/2024
Stipendisti	31	40	42
Studenti	17	21	26
Srednjoškolci	14	19	16
Dodatno obrazovanje (viša škola)	1	1	0
Kursevi	3	3	3
Paketi školskog pribora	135	305	315

Srce je više od Shopa



Srce Shop je jedinstven vid socijalnog poduzetništva u koji su uključeni mladi koji su u djetinjstvu liječeni od raka.

Ovakav vid poduzetništva koji direktno uključuje šire članove Udruženja, iznimno je važan s obzirom na to da djeluje kao dio socijalno-ekonomskog sistema, pa u skladu s tim traži različite načine rješavanja njihovih problema, kao i problema od šireg značaja za ovu populaciju.

Pored socijalnog momenta i vrijednosti koju daje ovom projektu, jedan od osnovnih ciljeva Srce Shopa jeste finansiranje dijela aktivnosti i drugih važnih projekata Udruženja.

Bitno je napomenuti da cjelokupan prihod od prodaje proizvoda na Srce Shopu ide za aktivnosti Udruženja „Srce za djecu oboljelu od raka“.

Svi SRCE proizvodi su dizajnirani i proizvedeni u Bosni i Hercegovini, a naše ponude možete pronaći

putem različitih kanala:

- Web shop: www.srceshop.ba
- Maloprodaja u Sarajevu na Breki: **Himze Polovine 21**
- Srceshop na OREA online platformi: www.oreabazaar.com/bs/shop/984/srceshop
- Facebook: [@srceshop](https://www.facebook.com/srceshop)
- Instagram: [@srceshop.ba](https://www.instagram.com/srceshop)

2023. godinu obilježilo je mnogo novih saradnji koje smo ostvarili sa kompanijama u BiH na čiji zahtjev smo za njih izrađivali unikatne i brendirane proizvode. Takvi proizvodi su bili namijenjeni kao pokloni za uposlenike ili klijente. Sretni smo što su kvalitet i unikatnost SRCE proizvoda prepoznati i na ovaj način, te što kompanije tako sebi dodaju nove vrijednosti, ali i daju društveno odgovorni doprinos svom poslovanju.

SRCE SHOP u 2023. godini

- ♥ 3 uposlene mlade osobe u djetinjstvu liječene od raka
- ♥ 2 nove kolekcije sa 12 novih vizuala
- ♥ 5 novih proizvoda
- ♥ Za 30 pravnih lica izrađeni unikatni i po zahtjevu brendirani proizvodi
- ♥ Izrađene majice za potrebe trke „Zlatni krug“
- ♥ Preko 200.000 posjeta na web shopu
- ♥ Učešće na Orea Art Marketu - 2X
- ♥ Saradnja sa Mercatorom - 2X
- ♥ Saradnja sa SCC-om - 11X

- ♥ U promociji novih kolekcija uspostavljena saradnja sa mladima izliječenim od raka, glumcima sa Akademije u Sarajevu, muzičarima, novinarima te drugim influenserima
- ♥ Saradnja sa bh.dizajnerima: Marko Feher, Werkstatt, Bernard Pavlinović, Sabina Cvjetković, Vanja Lazić, Mirsad Agić, Dejan Slavuljica
- ♥ Dizajn „Srce Alfabet“ kreiran za nas od strane Sabine Cvjetković, jedan je od 272 dizajna, koji će biti objavljen u drugom izdanju knjige „Mastering Type“, izdavača @bloomsburypublishing iz Velike Britanije.

Svi naši zlatni krugovi



Pored svega onog praktičnog što Udruženje „Srce za djecu oboljelu od raka“ radi tokom godine, važan segment našeg djelovanja jeste i podizanje svijesti o problematici dječijih malignih bolesti, koja je izuzetno slojevita jer dijagnoza istovremeno utječe na više polja života oboljelog djeteta i cijele porodice. Kompleksnost problema zahtijeva pažnju cijele društvene zajednice, a da bi se zajednica uključila, mora imati svijest o svim aspektima borbe sa malignom bolešću kod djece.

Upravo zbog ovog, ali i zbog mnogih drugih razloga, više puta godišnje organizujemo kampanje podizanja svijesti o raku kod djece, a dio nekih od njih je i fundraising, pomoću kojeg finansiramo veliki broj aktivnosti i projekata. Najznačajnije kampanje su one u povodu 15. februara, Međunarodnog dana djece oboljele i liječene od raka; Zlatni septembar, mjesec podizanja svijesti o raku kod djece; ramazanska fundraising kampanja.

Prošlogodišnji 15. februar obilježila je kampanja podizanja svijesti koju smo vodili pod sloganom „Istrajni u podršci. Zajedno!“, a koja je imala za cilj skrenuti pažnju bh. društva na probleme djece

oboljele od raka i njihovih porodica. Za ovu kampanju, kroz Srce Shop izbacili smo novi dizajn SRCE duksa sa zlatnom vrpcom – simbolom borbe protiv dječijeg raka, a pomoć u realizaciji ovog proizvoda i Svečane akademije sa djecom i roditeljima pružila nam je NLB Banka na čemu smo od srca zahvalni.

Tokom Zlatnog septembra 2023. godine ponovo smo organizovali veliku humanitarnu trku/šetnju „Zlatni krug“ u Visokom. Kampanja i trka su ponovo bile uspješne, te su okupile veliki broj pojedinaca, društveno odgovornih kompanija i institucija koji su dali svoj doprinos kako bi trka bila što uspješnija. Ambasador ovogodišnje trke bio je poznati bh. alpinista i filantrop, Tomislav Cvitanušić.

Zahvaljujemo se od srca svim građanima koji su tad bili sa nama i pokazali neizmjernu solidarnost sa djecom oboljelom od raka. Hvala od srca Gradu Visoko i njegovim nadležnim institucijama, koji su pružili nesebičnu podršku i bili veliki partner u organizaciji. Hvala za veliki doprinos kompanijama BH Telecom, Sparkasse, Vispak, Konzum/Mercator, Perutnina Ptuj, Oaza te svim drugim kompanijama koje su pružile svoju podršku.

Naš fokus u 2024. godini

Pred nama je još mnogo što možemo uraditi za naše mališane i njihove porodice. U ovoj godini planiramo raditi na unapređenju naših aktivnosti, ali i položaju djece oboljele od raka u bh. društvu.

NEKE OD AKTIVNOSTI NA KOJE ĆEMO SE POSEBNO FOKUSIRATI SU:



Puštanje u funkciju Roditeljske kuće Tuzla



Unapređenje programa psihosocijalne podrške



Organizacija 14. rehabilitacionog kampa



Unapređenje saradnje sa medicinskom zajednicom i dječijim hematološko-onkološkim odjelima



Nabavka potrebnih lijekova za min.100 djece



Obezbjedenje socijalne pomoći za 1000 djece i roditelja



Nabavka potrebne medicinske opreme za liječenje oboljele djece



Osnaživanje i edukacija mladih izliječenih od raka



Razvijanje programa praćenja kasnih posljedica liječenja



Stipendiranje min. 40 studenata i učenika srednjih škola, a koji su liječeni u djetinjstvu od raka



Podizanje svijesti društva i publikacije

Humanitarna trka/šetnja „Zlatni krug“

Učesnici	+4.000
Šetači	4.000
Trkači	637
Volonteri	75
Izlagači	5





Dragi prijatelji, donatori, volonteri i partneri,
hvala vam od srca za podršku, ljubav i snagu!

KAKO DONIRATI?

1. NOVAC

VAŠA DONACIJA U NOVCU MOŽE BITI ZA PROJEKTNE AKTIVNOSTI UDRUŽENJA ILI, SPECIFIČNO, ZA RAD RODITELJSKE KUĆE.

ZA PROJEKTNE AKTIVNOSTI UDRUŽENJA

(molimo Vas da na uplatnom nalogu navedete za koje aktivnosti želite donirati novac)

Uplate iz BiH

161 00000 388 900 27
Raiffeisen bank d.d. BiH

Uplate iz inostranstva

BA39161 00000 388 900 27
SWIFT code RZBABA2S
Raiffeisen bank d.d. BiH,
Zmaja od Bosne bb, 71000 Sarajevo
Bosnia and Herzegovina

ZA RODITELJSKU KUĆU

Uplate iz BiH

161 00000 388 901 24
Raiffeisen bank d.d. BiH

Uplate iz inostranstva

BA39161 00000 388 901 24
SWIFT code RZBABA2S
Raiffeisen bank d.d. BiH,
Zmaja od Bosne bb, 71000 Sarajevo
Bosnia and Herzegovina



POZIVOM NA JEDINSTVENI HUMANITARNI BROJ DONIRATE 2KM* 17010

*Usluga je dostupna za korisnike četiri operatera - BH Telecom, Eronet, mTel i Telemach

2. USLUGE

VAŠA DONACIJA MOGU BITI PROFESIONALNE USLUGE, TE VJEŠTINE I ZNANJA KOJE POSJEDUJETE, A KOJE MOGU OLAKŠATI RAD UDRUŽENJA I BITI OD KORISTI NAŠIM ČLANOVIMA I KORISNICIMA.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 215 416

info@srcezdjecu.ba

3. PROIZVODI

DONIRATI MOŽETE I PREHRAMBENE PROIZVODE, HIGIJENSKE POTREPŠTINE, MEDICINSKU OPREMU I LIJEKOVE, ODJEĆU, IGRAČKE I KNJIGE.

Molimo vas da nas kontaktirate prije doniranja, pošto donacije ovakve vrste podliježu standardima i procedurama koje moramo ispoštovati.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 215 416

info@srcezdjecu.ba

4. DONIRAJTE KOSU

U OKVIRU PROJEKTA "MOJA KOSA TVOJA KOSA" MOŽETE DONIRATI KOSU ZA POTREBE IZRADE MEDICINSKIH PERIKA ZA SVU DJECU KOJA IMAJU PRIVREMENI ILI TRAJNI GUBITAK KOSE.

Sve perike za djecu izrađuju se od Vaše donirane kose u našoj radionici na adresi Himze Polovine 21, Sarajevo.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 206 306

info@srcezdjecu.ba

5. SRCE WEB SHOP

SVI SRCE PROIZVODI SU DIZAJNIRANI I PROIZVEDENI U BOSNI I HERCEGOVINI TE IH MOŽETE PRONAĆI SAMO NA NAŠEM WEB SHOPU www.srceshop.ba

Kupovinom SRCE proizvoda cjelokupan prihod donirate Udruženju „Srce za djecu oboljelu od raka“ te pomažete realizaciju aktivnosti i projekata, koji su od velike važnosti za djecu oboljelu od raka i njihove porodice.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 206 306

info@srceadoo.ba

NAŠA JE PRIMARNA OBAVEZA DA DONIRANA SREDSTVA UTROŠIMO U SKLADU SA PROPISANIM PROCEDURAMA, ODGOVORNO I TRANSPARENTNO. BEZ OBZIRA NA KOJU SE OD KATEGORIJA DONACIJA OPREDIJELITE, VAŠE JE PRAVO DA DOBIJETE POVRATNE INFORMACIJE O UTROŠKU DONIRANIH SREDSTAVA.

SKENIRAJTE QR KOD I PRATITE NAŠ RAD >



SRCE ZA DJECU



SRCESHOP





SRCE ZA DJECU



HUMANITARNI BROJ*

17010

*Cijena poziva je 2KM

Usluga je dostupna za korisnike četiri operatera - BH Telecom, Eronet, mTel i Telemach

Ko spasi
jedan život
kao da je spasio
cijeli svijet!



Betanija bb 71000 Sarajevo



info@srcezadjecu.ba



Srce za djecu Sarajevo: +387 33 215 416

Srce za djecu Tuzla: +387 35 266 306

Vlasuljarska radionica Breka Sarajevo: +387 33 206 306



Žiro račun:

Raiffeisen Bank Bosnia and Herzegovina: **1610000038890027**

IBAN: BA 391610000038890027 | SWIFT: RZBABA25



www.srcezadjecu.ba



SrceZaDjecu



srcezadjecu



SrceZaDjecu